

安陽縣金石錄

安陽縣金石錄目

卷一

起商至東魏 商金五種周金二種新莽金一種漢石四種後趙石二種東魏石三種

卷二

起北齊至隋 北齊石九種隋石四種魏齊無年代石六種

卷三

起唐貞觀至開元十五年

卷四

起開元二十四年至周顯德元年 唐石二十九種五代石二種

卷五

起宋咸平至熙寧六年

卷六

起熙寧七年至元祐八年

卷七

起紹聖元年至金明昌六年 宋石三十五種金碑五種

卷八

起元祐至大德二年

卷九

起大德三年至至大二年

卷十

起延祐元年至後至元三年

卷十一 起至元四年至至正四年七月

卷十二 起至正四年至十八年 元石刻四十八種金刻九種

安陽縣金石錄卷第一

偃師武虛谷先生著


安陽縣知縣鐵嶺貴泰校梓

商

兄癸彝



丁子王錫爵兩
八丙申貝在寒甬
作兄彝十九月
惟王九祀世昌



丁子王錫爵兩介

貝在寒用作兄

癸

王九祀世昌鬲

攷古圖右得於鄴高七寸腹徑三寸有奇口徑少差蓋底皆有銘銘皆廿有六字

按河亶甲居相卽鄴郡其文又稱九祀爲商器無疑云兄癸者商以兄弟相及之辭也故祀其先王或稱祖如祖丁卣之類或稱父若父辛旅彝之類或稱兄若此彝之類商八質無謚皆以甲乙記

祖乙卣



孫執作祖乙

蓋

寶尊彝

器同前



鐘鼎彝器款識祖乙者河亶甲之子也孫象形而手執刀

於祭饗未嘗不竭力從事以職其勞耳禮記云袒而割烹
義取諸此

張掄古器評先王之事親於羞膾則執鸞刀於舞則執干
戚凡於祭祀未嘗不親執其勞以示孝子竭力從事之意
此商之彝器所以多作子象以持刀者殆謂是歟祖乙則
河亶甲之子也

案尚書序祖乙圮於耿傳亶甲子圮於相遷於耿河水所
毀曰圮又資治通鑑綱目商王祖乙元祀圮於相徙都於
耿是祖乙居相而此器爲所作故雖不辨其所出亦當附
諸此也

足跡髣



亞中足跡

攷古圖右得於鄴高九寸八分徑九寸六分深七寸六分
容六升二合有足跡文一

聞此器在洹水之濱置甲墓傍得之司尊彝祭祀裸皆有
彝獻皆有尊酢皆有鬯鬯爲上尊鬯金下尊上者宜小下
者宜大此器形制與師觶彝略相似而容受加大蓋屬
也詩云我姑酌彼金罍亦用金也環頸之文與後所圖
獸環細文三壺相似或以爲象山形謂之山壺然比之中
中朝事尊之頸又則彼之山形著此不甚似也但其文極

細物象頗多中有右足跡又圈之與王父已足跡爰相似
語在本篇

商乙毛鼎



乙毛

博古圖右高五寸五分耳高一寸二分闊一寸三分深三
寸六分口徑五寸二分腹徑五寸五分容二升二合重三
觔七兩三足銘二字曰毛者言薦饗之物凡潤谿沼汙之
毛類繁蘊藻之菜蓋亦無所不用故昔人謂五蔬不熟曰
饑則蔬於飲食間所不可後是鼎蓋毛羹之用於是以毛

目之曰乙者商之有天乙祖乙小乙武乙太丁之子乙令
銘乙則太丁之子然腹有蠟紋原飾饗餼間之雲雷亦以
貪者懲也然則昔人遠取諸物良有旨哉

攷古圖右得於鄴郡宜甲城高五寸八分深三寸七分徑
五寸二分容二升銘二字

案鼎銘乙下一字不可識考其形制文字及所從得蓋商
器也



戊

攷古圖右得於鄴郡漳河之濱高五寸有半深三寸四分

徑四寸有半容二升一合銘一字


案鼎銘一字奇古不可識亦商器也愚謂銘字疑作戊蓋乙鼎庚之屬

匱甲城觚

廣川書跋始余得匱甲城觚其高八寸四分容一升考其制蓋古所謂觶也又得李氏觚高一尺一分其容六合無壇宇廉隅其足爲四象考其制則觚也梓人曰爵一升觚三升獻以爵而酬以觚一獻而三酬則爲一升禮家於此疑矣考於古器無有合也昔韓嬰謂一升曰爵二升曰觚三升曰觶四升曰撮如此則觚定二升觶定三升古者權量三不當今之一則其容六合李氏之觚是也昔匱甲城

所得校之周量三升有奇則當爲斛矣傳曰觚之爲觚者以有觚也今匱甲器無觚與觶得以觚名矣昔鄭氏謂梓人之觚字當爲觥觥與觶同制則其言是也禮器制度觚大二升解大三升饋食禮主人洗爵獻長兄弟一升階上長兄弟洗觥爲加爵則觥倍於爵其實當二升古之論者盡如此余是以知梓人之書誤也

周鷄彝



棋鷄父單

右彝以建初尺度之高七寸濶九寸餘深五寸獸雙耳腹
用直紋底作棋子格藏安陽某氏已失其蓋惟底有識古
文由𠄎𠄎𠄎凡四字由卽棋字古從省𠄎象形字周官司
尊彝春祠夏禴裸用鷄彝鳥彝注鷄彝鳥彝謂刻而畫之
爲鷄鳳凰之形疏案尙書云鳴鳥之不聞彼鳴鳥是鳳凰
則此鳥亦是鳳凰故云畫鷄鳳凰之形也蓋鄭賈皆以彝
器刻畫作鷄今證之此識是鑄於彝之腹底非外爲其飾
疑康成未睹斯製殆以意度之潛邱劄記云魏太和中魯
郡於地中得齊大夫子尾送女器有犧尊純爲牛形王肅
以證其羽婆娑然說非是晉永嘉賊曹疑於青州發齊景
公冢得犧象二樽形爲牛象傳至梁劉杳以證象骨飾尊

之說非然則此彝腹文作鷄形實足證明古禮器之模製
爲補鄭氏所才及審其功亦豈鮮哉巾爲父丫卽單單父
周卿士則此器爲周器宣和博古圖亦圖此器定爲周單
彝而形製不類又作旗鷄單三字亦未審中有父字是其
疎也然据所推證引叔向所謂周其再興乎其有單于也
故知單所以爲姓曰旗則穆公旗也其說可依鐘鼎款識
作鷄單彝亦未審得其實今易爲周鷄彝以正舊誤

周匕首

存無款識舊在安陽貨市今藏趙希璜荷齋




右七首長二尺一寸三分莖長三寸五分五分之一臘
廣一寸七分二十分分之一十五身長一尺七寸七分二
分分之一嘉慶二年六月得之於鄴肆予同年嘉定錢獻
之云是周器其古器款識曰攷工記桃氏爲劍臘廣二寸
有半寸兩從半之以其臘廣爲之莖圍長倍之中其莖設
其後參分其臘廣去一以爲首廣而圍之身長五其莖長
重九釐謂之上制上士服之四其莖長重七釐謂之中制
中士服之三其莖長重五釐謂之下制下士服之註臘兩
刃也鄭司農云莖謂劍夾人所握鐔以上也康成謂莖在
夾中者莖長五寸鄭司農云中謂穿之也康成謂從中以
却稍大之也後大則於把易制首圍其徑一寸三分寸之

二上制長三尺重三觔十二兩中制長二尺五寸重二觔十四兩三分兩之二下制長二尺重二觔一兩三分兩之一此今之匕首也人各以其形貌大小帶之經注義並明舊但上制劒長三尺其臘二寸有半中制較短六分之一下制較短六分之二而臘莖首仍與上制等同未免於形制不符以例論之則劒身四其莖五其莖則臘首及莖亦隨身而遞降也此器得於乾隆庚戌八月以建初銅尺測之與記云云皆相準合又中其莖設其後注義雖明但世人未見器物究不能確切指証故賈公彥等疏於此注下溷而不言余謂中其莖者謂三分其莖而中作兩夾也夾者所以分夾四指上夾容食指中夾容中指下夾容無名

及小指二故下夾稍長設其後鐔也大作鐔所以制把說
文解字曰鐔劍鼻此其義又夾史記孟嘗君傳作鈇云長
鈇歸來平楚詞帶長鈇之陸離是有長鈇者亦有短鈇者
長鈇卽長劍上士用之者是也短鈇卽短劍下士用之者
是也三代之物留遺後世可以藉之証考經書其爲功不
小惜我輩窶窮末由罔羅散逸事事辨明致使和弓兌戈
埋沒於賈豎之手悲夫所謂恨古人不見我恨我不見古
人者以此夫又攷康成云下制劍長二尺此是周尺非漢
尺也康成就攷工記云云持論故爲此言如此器合建初
尺爲長二尺一寸三分是漢尺此周尺較短六分又二分
分之一矣卽此可以知周漢尺之殊

新莽泉範



案泉範以建初尺度之縱廣各三寸八分餘藏安陽某氏家新莽所製範也漢書食貨志王莽居攝變漢制以周錢有子母相權於是更造大錢此範式泉文與志合

東漢

子存殘碑

存八分書永初舊棄豐樂鎮西門君祠今移置孔廟

缺
允字子存於傳載缺

缺
奚之難扶危翊放文

缺
載不隕以傳缺

缺
个石書不卷是缺

缺
事人犯而勿欺缺

缺
冠廣延術士永初缺

缺
小惠可不之間是缺

缺
其間嶂遠近同哀載

缺 貴不朽之名故勒其

缺 敬我漢道厥散伊何消

缺 生聖漢有莒有荆君

缺 名缺

右碑斷剥僅存文十一行字全者七十有六不全者有六

首行載允字子持不見其氏下言於傳載奚之難扶危

翊放此當表其上世故文云口載不隕以傳於

也屬句者右書不倦犯而勿欺及廣延術士子持事跡略

可推見如斯然於廣延術士下有永初字似子持當永初

時有功績可紀閒行乃述遠近同哀則其卒之歲未必在

永初中矣銘詞口在聖漢有莒有荆放孟子以遏徂莒詩

皇矣作旅旅與莒同毛傳旅地名也疏言旅地名則毛意以旅爲周地周此時在西莒固近周之地亦必在西漢永初中西寇最甚者見於後漢書安帝本紀元年六月先零種羌叛斷隴道大爲寇掠遣車騎將軍鄧騭征西校尉任尙討之二年春正月車騎大將軍鄧騭爲種羌所敗於冀西冬十月征西校尉任尙與先零羌戰於平襄尙軍敗績十一月先零羌滇零稱天子於北地遂寇三輔東犯趙魏南入益州殺漢中太守董炳三年春正月遣騎都尉任仁討先零羌不利羌遂破沒臨洮四年三月先零羌寇褒中五年二月先零羌寇河東遂至河內蓋積歲爲患播蕩西州疑銘所謂莒指叛羌也及元初二年十二月武陵王

蠻叛州郡擊破之三年秋七月武陵蠻復叛州郡討平之
此卽銘云有荆然則子苻之沒蓋於元初後矣碑前云廣
延術士亦見永初元年詔文三月癸酉日有食之詔公卿
內外衆官郡國守相舉賢良方正有道術之士明政術達
古今能直言極諫者各一人又見五年令三公特進侯中
二千石二千石郡守諸侯相舉賢良方正有道術達於政
化能直言極諫之士各一人於時子苻必承詔以禮延之
備薦舉也又敝我漢道敝卽補字碑石出土日爲妄人斷
毀又鑿其撇捺都失舊觀然盤拏倔强之趣故在也嘉慶
三年四月二十七日徐方于宣訪得之於豐樂鎮西門君
祠內輦歸移置縣孔廟戟門下碑埋土中久灰沙盤互字

畫垣結累日剔治始見全文後人宜善護惜之

案此碑及劉君元係正直碑凡大小五石同棄毀於西門
君祠當是土人之狡黠者侵種墳側荒田欲滅其跡而昇
置此間遂致極鑿至此碑爲古今著錄家未能收採竊度
斷石尙有埋沒土中者冀其精靈間世復出予亦拭好古
苦晚之淚也

劉君殘碑

存八分書舊砌西門君祠今移置孔廟

缺一二石

缺
分秋傳覽

缺
十百人吟

缺 八更約少

缺 歸高四

缺 不

缺 丘爾三

缺 國之商兮簡口止凡之五

缺 乃為國之口口口口兮當

缺 以人去口口口口哀哉

缺 山歲兮口口口口

缺
歲在辛酉十一月十一 缺

右碑鑿斷穿孔龕置西門君祠大門左右作門關縣吏添
仕麟偕工拓宋馬需修祠碑於門側瞥見拓之以歸其一
石文凡六行全字十有三不全字有七又一石文五行全
字十九不全字有八前春秋字博覽字常百人字及簡口
口心民人去口字蓋有位而顯以澤於民者也國之商分
祠當是裔字既稱爲國裔於漢爲劉氏矣碑側歲在辛酉
三月十缺東漢辛酉凡三見明帝永平四年安帝建光元
年靈帝光和四年明帝太遠疑在安帝靈帝時也

案前跋既掘國裔定爲劉君又依歲辛酉當屬安帝建光
元年或靈帝光和四年據後漢書劉梁本傳梁字曼山一

名萃

文士傳作一名恭

東平寧陽人也梁宗室子孫而少孤貧賣

書於市以自資常疾世多利交以邪曲相黨廼著破羣論時之覽者以爲仲尼作春秋亂臣知懼今此論之作俗士豈不愧心其文不存又著辨和同之論其辭大畧引春秋以諷世桓帝時舉孝廉除北新城長告縣人曰昔文翁在蜀道著巴漢庚桑瑣隸風移硯礫吾雖小宰猶有社稷苟赴期會理文墨豈本志乎廼更大作講舍延聚生徒數百人朝夕自往勸誡身執經卷試策殿最儒化大行此邑至後猶稱其教焉特召入拜尙書郎累遷爲野王令未行光和中病卒孫楨亦以文才知名楨字公幹與北海孔融山陽王粲北海徐幹廣陵陳琳陳留阮瑀汝南應瑒齊名號

鄴中七子魏志文帝爲五官將及平原侯植皆好文學故
七人並見友善幹爲司空軍謀祭酒掾屬五官將文學後
以不敬被刑刑竟署吏幹踰塲植二十二年卒碑中所載
類似梁事梁於光和中病卒其梁之遺碑歟

元孫碑

存八分書舊棄西門君祠外今移置孔廟

缺
崔遺孀奉序

卷三

缺

缺
一人 大兄元孫早終

缺

缺
川二子名重字元

缺

缺
可
子
缺

右碑棄置西門君廟埽田間徐方子偕柴望之景堂趙仲
原敞尋出僅得遺字四行字全者十有四而已不全者十
有三前云遺孤奉承字蓋述其家之式微故繼以大兄早
終是爲可哀也書之秀蘊當奉爲神品

正直碑

存八分書舊棄西門君祠外今移置孔廟

缺
正直是叨揚名於外里覲

缺
部職究由□□米右守曲

缺
爲衆□□□□且考爲

缺
終年□□□□年三

治磨拭出之俾復光顯於世其亦有奇緣與此與千石碑
碑同日自方于得之故益可喜也碑無可題識卽以首行
正直字題曰正直碑

後趙

西門豹祠殿基記

佚

水經注漳水東逕西門豹祠前東側有碑隱起爲宇祠堂
東頭石柱勒銘曰趙建武所修也

金石錄右趙西門豹祠殿基云趙建武六年歲在庚子秋
八月庚寅造西門豹祠殿基又云巧工司馬臣張由監作
吏臣杜波馬孫殿中司馬臣王基殿中都尉臣潘倪侍御

史騎都尉臣劉誼左校令臣趙升殿中校尉臣顏零等監
其下刻物象甚多如土長強良碩章舒懷雀之類其名頗
異近歲臨淄縣人耕地得巧工司馬印遍尋史傳皆無此
官名不知爲何代物今乃見於此碑云

案古文巧作巧音考是巧讀若攷所云司馬卽攷工署之
官也又授堂金石文字跋尾再續有巧工中郎將龜紐銀
印土人得之用價售置藏於家可証巧工不獨有司馬也
鄴祠柱刻秦像銘

佚今見汝帖

銘云神熊鑿口鸞鳳羣飛千秋萬歲宛轉岡頃鐵顛開山騰
龍能伯遮峙瞻儲

隸書

宋云大秦皇太子仰爲皇帝陛下暨中宮殿下鑒石彫金作像一身永資聖壽命中庶子臣蕭雍銘之 正書

康少山按此前秦太子苻宏爲其父堅母苟氏所刻也十

六國春秋云苻洪於建武中從石虎歸鄴家於永貴里堅

母苟氏嘗遊漳水祈子於西門豹祠歸而有孕十二月而

生堅有神光之異自天燭於庭此其發迹之地西門祠又

有高禰之祥宜其刻銘像於祠柱也又云永興元年 晉穆

平元年冊母妃苟氏爲皇后世子宏爲皇太子則所稱中官

者苟氏所稱太子者宏也後十三年爲堅建元六年 晉帝

和五年十一月王猛始滅燕堅乃得有鄴地則鑿石刻銘當

在是時矣銘詞殊不可解似不止此二十八字以王案刻

汝帖止節取數字不顧文義東觀餘論已譏之不必強爲之解也惟此銘旣摹入汝帖則宣和時其石尙存好古者訪而求之俾不銷蝕於叩火磨角之中亦大快事也

東魏

大留聖窟題字

存

題字在萬佛溝洞側正書大留聖窟四字又有八分書魏武定四年歲在丙寅四月八日道憑法師造字大三寸餘蓋紀佛洞起於道憑如此又有小字刻南無日光佛及口德同石作匠人張岫到此造作故記字据靈裕法師傳石刻稱道憑石堂疑其跡指此也

定國寺浮圖碑

佚

蓋聞兩儀交通萬物未生始自苦空終於常樂而緣障未開
業塵猶擁漂淪欲海顛墜邪山雖復光華並於日月術數窮
於天地有扶危定傾之力爲濟世夷難之功登途山而未歸
遊建水而不反並馳於苦樂之境皆入於生死之門幽隱長
夜未覩山北之燭沈迷遠路詎見司南之機昔日先民雖云
善誘尙習蓋繹未能解脫見如八卦成象示之以吉凶百藥
爲醫道之以利害衣食有業民免饑寒之憂水土旣平人無
羸弱之患斯誠事周於世用功濟於生民不論過去之因緣
詎辨未來之果報惟無上大覺均悟元機應現託生方便開

教聖靈之至無復等級威神之力不可思議動三乘之駕汎
八解之流引諸子於火宅渡羣生於海峴自一音輟響雙樹
潛神智慧雖徂象法猶在光照金盤言留石室徧諸世界咸
用歸仰

太平寰宇記東魏遷鄴高丞相以南基爲定國寺作磚浮
圖極高其銘卽溫子昇文

案碑久堙今據張天如所哀溫侍讀集補增

韓陵山碑

佚

晉晉文尊周續宣於踐土齊桓霸世威著於召陵並道冠諸
侯勲峙天下衣裳會同之所兵車交合之處寂寞消沉荒涼

磨滅言談者空知其名遭遇者不識其地然則樹銅表跡刊
石記功有道存焉可不尙歟永安之季數鍾百六天災流行
人倫交喪爾朱氏旣絕彼天綱斷茲地紐祿去公室政出私
門銅馬競馳金虎亂噬九嬰暴起十日並出破壁殞珪人物
旣盡頭會箕歛杼軸其空大丞相渤海王命世作宰唯幾成
務標格千仞崖岸萬里運鼎阿於襟抱納山嶽於胸懷擁元
雲以上騰負青天而高引鐘鼓嘈囂上聞於天旌旗繽紛下
盤於地壯士凜以爭先義夫憤而競起兵接刃於斯塲車錯
轂於此地轟轟隱隱若轉石之墜高崖硠硠磕磕如激水之
投深谷俄而霧卷雲除冰離葉散靡旗蔽日亂轍滿野楚師
之敗於柘舉新兵之退自昆陽以此方之未可同日旣考茲

沃壤建此精廬砥石礪金瑩珠琢玉經始等於佛功制作同
於造化息心是歸淨行攸處神異畢臻靈仙總萃鳴玉鸞以
來遊帶霓裳而至止翔鳳紛以相囀飛龍蜿而俱躍雖復高
天銷於猛炭大地淪於積水固以傳之不朽終亦記此無忘
寶刻叢編碑在安陽東北十七里東魏丞相高歡破爾朱
兆兄弟於此山下仍立碑卽溫子昇之詞

康少山按是碑歐趙氏及近人金石家皆不著錄其已久
矣子昇本傳亦不載立碑年月及書碑姓名今考北齊書
神武紀歡破爾朱兄弟爲魏孝武永興元年閏三月則立
碑亦當在是年北史溫子昇傳稱其文章清婉與邢魏齊
名文傳江外梁武謂曹植陸機復生北土而吐谷渾國主

牀頭並有子昇之文徐陵傳亦謂陵奉使過韓陵讀此碑
愛其才麗手自錄之南歸人間北朝人物陵曰惟韓陵一
片石耳其爲時所矜重如此今按此文殊不稱陵顏輓謝
含任吐沈之目文亦載文苑英華及張天如所集溫侍讀
集

又按歡每有戰功卽刻石矜伐芒山碑見北史陳元康傳
并州定國寺碑見祖珽傳歡何足言獨怪唐人昭仁寺等
慈寺諸刻以太宗之英武而倣賀六渾所爲何其見之不
廣也

安陽縣金石錄卷第二

偃師武虛谷先生著

安陽縣知縣鐵嶺貴 秦校梓

北齊

西門君之碑頌

存八分書缺年月在縣城隍廟

曰夫清剛儷以分宿沉濁判其□□□□□為羅義栗

襲葛之年炎軒吳項之□□□□瑞所闡蓋□□□傳□□

□□周□□□合踰千國即缺堆水震九州制七雄□□

□□□國之君□好古之業□□□□田□□□□□□橫

河內侯治鄴□□□缺子昌言而為任西門厲精而出宰□

拒比周治申嚴察璽還口寤口口亡而口口馬班既別口彩

自口不省書

缺

積倉府戎車北首口南口口口臨事簪筆聽

神民吏不敢兩欺口巫老沈茲口波浪頗頗鄭密異術均美

缺

首列城歸目於是生致尸祝之禮歿貽棠杜之思雖口券

金書逝者不作而口墳裏墓俎豆逾遠非口襄王

缺

子託葬

存稱惠王死曰明神所以季世經關風俗漸染恩福之祈咸

在口口口禱仍口非道郡國掾史實降口口

缺

蓋魏氏季季

日銷地反蛻不息口馬盈空口自金炊爨生玉室天示昭明

之證帝啓即席之期我太祖獻武皇帝合制并墨放口口口

剪兇駭於魏口口口喪於口口口軍口竭敬崑崙之永輪立

口口競口口

缺

增威一闢口社再祠紀厲口口口口口口口口

通萬方□□五□□會知三□之未從想□□難□□

□□□^缺猶存式瞻祠宇雅□□□□林椒□□□□

□□□□言世宗文襄皇帝□□□□□□□□

□□□應物納□黎於□□□□□□□□□□

□□□^缺龍路荒蕪祀堂凋□□□□□□□□□□

□之芳□以丹□磨□□□□□□□□□□□□

□^缺柳鯨螭旁□□□□□□□□□獨達□□□□

□而死車□□□□□□□□□□□^缺灤水

仙鳥鳴林□□□□□□□^缺尊神尙德□□□□絡

□□□□有歸□□□□□□□□□皇上官府□物

□□□□□□稟賦靈性□□□德道不可□□還灰燼

樂反□□□□□□□□□□缺常流蔽雲自卷仙琯協

律□闕迎神文欄北□□□□鳳鱗□□照光氣四舉箕秀

而□□□□□□□□□□缺牛於陰山風逸驥於桃塞捐

金抵玉未粟□□□□致酒央傑□之顧以賢宰餘休聖□

□□□□□□□□缺宸鑒斯揆使持節驃騎大將軍開府

儀同三司司州□宗師清河王岳出應敵國入當樞□□□

□□□□□□缺之一師執刺都輦標榜九牧馴禽餌□□

雨來風披席□□傾賢禮俊眷彼勛官投□□祀人衣□□

□□□缺晉崩離殊類竊假畏威仰德堅碑在□春煦□□

□超二百執徐之□□□缺虢豈□蒼精云啟□□□□

缺言僭迹掃地不遺委贄興王恭承□運幽明非遠意在斯

乎乃命□紀□□□□□昭習神道□□□□□
□^缺而□絕望黃岑以俱峙其詞曰

星精旁啟漢津橫瀉山峙□□瀆流疎聖□處外薄戎夷或

□周德□昌□詩□□□□□□□□□^缺侮弱憑

強魏侯趣士民□□望鄴有賢令夏景冬□□□率□□□

□俗□□□□□□□□□□□^缺存祀四時亡

哀百贖始闢賢烈終□明靈忻殫鼓舞□□牢桂□蘭味意

莫□□□□徒私□□□□□□□^缺人授手翼世□

居光宅漳右龍駒□蓋鳴笳駟牡□□層□載前載後容象

□肅飾蕭逾隆□□□□□^缺天子赫赫□□存躬夏應

虞命舜受堯終洛汎文章河浮圖□會昌真貺居今陋昔咸

秩報功□□□□□缺口留金石口親藩幹口率依風毛
譯均美□□□雄謂神缺

中州金石記齊清河王高岳造西門豹祠碑天保五年立
正書在安陽城隍廟碑云使持節驃騎大將軍開府儀口
口司口州口口師清河王岳者齊書列傳云顯祖出撫晉
陽令岳以本官兼尚書左僕射留鎮京師天保初進封清
河郡王尋除使持節驃騎大將軍開府儀同三司宗師司
州牧蓋以此時立碑也明一統志云西門豹廟在府城北
大夫邨北齊天保年建碑刻尙存今碑缺年月太平寰宇
記云鄆縣西門橋齊天保五年僕射魏收爲碑存焉則碑
是天保五年魏收所撰無疑碑故在豐樂鎮廟內知縣彭

其移於城隍廟中水經注云漳水逕武城南又東北逕西
門豹祠前東側碑隱起爲字祠堂東頭石柱柱勒銘曰趙
建武中所修也魏文帝述征賦曰羨西門之嘉迹忽逕睇
其靈宇寰宇記又云鄴縣西門豹祠隋圖經云在縣東南
七里北臨太平渠或恐碑移而祠基且將迷失矣趙建武
石柱銘又非汝帖所載石趙鄴祠柱刻也其刻宋時猶存
倘有好事者一訪之乎碑篆額云西門君之頌

案碑殘剥斷裂文詞句不相貫其叙西門君治鄴之跡有
云口拒比周治甲嚴察簪筆聽神民吏不敢兩欺口巫老
沉姦口波浪頡頏盡約舉史記爲文又叙生致尸祝之禮
沒貽棠杜之思口壇表慕俎豆逾遠似因舊祠而加修之

爲述其義如此碑稱太祖獻武皇帝世宗文襄皇帝者北齊書太祖紀所謂天保初追崇爲獻武皇帝世宗紀齊受禪追謚爲文襄皇帝是也高岳傳世宗崩顯祖出撫晉陽令岳以本官兼尙書左僕射留鎮京師天保初進封清河郡王尋除使持節驃騎大將軍開府儀同三司宗師司州牧並與此碑同則知碑立在天保初矣中州金石記據寰宇記鄴縣西門橋齊天保五年僕射魏收爲碑之文定爲天保五年魏收撰然高岳當天保五年亦加太保而此碑不書或文成於五年之前樂史據其立石時書之傳言留鎮京師又言司州牧高齊因東魏都鄴而循仍司州舊名故見於此也

西門君碑陰

碑正書

第一層

散騎常侍趙郡王州都鄆海高□驃騎大將軍開府儀同三
司尚書左僕射彭城縣開國公州都魏郡元韶缺平東將軍
別駕從事史魏郡穆子容前將軍治中從事史魏郡鮮於□
主簿魏郡高婆數主簿廣宗潘僧度字子昱西曹書佐魏郡
元稚英字委彥西曹書佐魏郡李天綱字天綱記室從事魏
郡叔孫子慎字僧記室從事清河崔□□字公孺戶曹從事
魏郡穆□賢字子□戶曹從事清河張乾威字□□金曹從
事魏郡尉□□字文□金曹從事頓邱郡李□字普明租曹

從事魏郡陸子茂字道盛租曹從事廣平游子珠字士瑜兵
曹從事陽平路君元字公物法曹從事魏郡于德隆字道
法曹從事陽平宋幼良子真部郡從事魏郡柳映僧蔭部郡
從事魏郡薩廓子立部郡從事魏郡軍瑛長璠部郡從事
廣宗□序元伯部郡從事清河□義繁隋部郡從事林慮皇
甫□桃科部郡從事林慮□□景宣部郡從事清河傅穆景
武部郡從事魏郡苟士忠季成部郡從事魏郡□景漢士昇
部郡從事魏郡□子慎德節部郡從事司□□□□

第二層

□□□□郡平□□□□□□□□河□□□□□□□
□融子明□□□□□公務思業□□□□□□□□景實□

□□□□襲修業□□□□遠洪遵守從事□□
□公傳守從事魏郡□宗靈紹守從事陽平王順孝章武猛
從事林慮王□□武猛從事魏郡馮□□武猛從事魏
郡緱文相□武猛從事淳于士彰□武猛從事魏郡張宣
和文□武猛從事魏郡張孝通順和武猛從事魏郡柳士綽
洪朗武猛從事汲郡刻翽弧誕武猛從事頓邱寶長卿武猛
從事頓邱吳斐融邁武猛從事頓邱胡遵士尙武猛從事林
慮張則仲軌武猛從事林慮魏光暉卿武猛從事督陽朶琮
三寶武猛從事督陽梁琬子炎武猛從事陽平楊達公勸武
猛從事陽平繆淇難隋武猛從事東郡張興顯盛武猛從事
東郡賈順思□武穆從事廣平鄭昇懷進武猛從事廣平程

蘭和仲武猛從事北廣平呂和子穆武猛從事北廣平郭怡
克悅□□□事□廣益劉士□傷

第三層

□□□□□□□□客武猛從事清河□□□德武猛從
事濮陽郭忻景悅武猛從事濮陽徐□叔達門下督□□□
□翻門下督程朔□□省事姜明思哲省事曹遵顯□錄事
王神元龜錄事延陵仲□□龜西曹掾□悅世忻西曹掾齊
習思義□室掾蓋頴元傷□室掾宗懿延貴□曹掾馮業洪
纂戶曹掾陰顥仲欽戶曹掾□文伯元達戶曹掾□□子
□戶曹掾劉□□遵戶曹掾□又□□□戶曹掾鞠隆□
□□□戶曹掾張敬子欽金曹掾樊淵海金曹掾李遠伯□

租曹楳終士榮□租曹楳邢悅季□租曹楳馬伏阿□租曹
楳吳宣尙宣兵曹楳梁璋子駟兵曹楳林暉賓子□兵曹楳
賀安遠□□兵曹楳郝仲次□□兵曹楳閻華阿□□

第四層

曹楳□□□進兵曹楳崔業洪纂兵曹楳周景伯仁法曹
楳李崇讓遵義法曹楳□光貴顯法曹楳田臺遠見法曹楳
孟黑元烏法曹楳□□哲法曹楳□□禮部郡楳侯遵
景順部郡楳聶貴崇和部郡楳石建長賓部郡楳馬峯莫遮
部郡楳吳禮長詢部郡楳杜彥市賓部郡楳張侍永賓部郡
楳衡遠延業部郡楳□□賓部郡楳靳寶士貴部郡楳閻
仲叔部郡楳郝蠻楚□主簿吏韓世□□主簿吏蘓□□

西曹吏杜穎□□西曹吏趙確□□記室史樂振暉□記室
史左修洪遵□曹史史穆景邕□曹史□蘭市奴□曹史解
景馥□□曹史翟會同止□曹史王質崇善□曹史□獻元
璋

第五層

戶曹□□□□□□戶曹史傅思哲聲明金曹史侯□□元
□金曹史□□□□□租曹史侯貴阿貴租曹史吳子政叔
侃租曹史馮沙門租曹史樂□阿弁□兵曹史綦略阿穎兵
曹史宋敬乾恭兵曹史張始阿元兵曹史王酉士高兵曹史
劉安元康兵曹史□□□□兵曹史戴懷□□兵曹史楊良
□□法曹史謝叔□法曹史杜悅阿□法曹史馮纂遵□法

曹史賀□洪宣法曹史王□秉襲法曹史韓長永昌法曹史
王進遠文仙典籤史吳仲穎仲舒部郡史戴光思顯部郡史
張伽阿桃部郡史郝纂阿集部郡史田彥休儔部郡史石伯
子良部郡史張長遵伯部郡史石穆愛和部郡史韓□榮伯
部郡史□□□□□□□□□□□□□□□□

第六層

□□□□□□□□□□□□□□□□□□□□門下
史□□□□省事史張習□□省事史林邕子穆錄事史李
瓊子琛錄事史賈光長暉揚列將軍軍主郝海山□節將軍
軍副焦定安宜兵□□□□□□□□□□□□□□□□□□□□
□□□□□□□□□□□□□□□□□□□□□□□□□□□□

豆□□□□□□□□□□□□□□豆□□□□□□□□大
興賊曹張善隊主李趙成隊主嚴奉伯隊主□道聰隊主張
□隆隊主西門万同隊副楊万儔□□□□□□□□

中州金石記碑陰列官吏題名有云散騎常侍趙郡王州
都勃海高下缺名者高敞也齊書列傳云顯祖受禪進封
爵爲南趙郡王邑千二百戶遷散騎常侍以此知之勃海
字見說文今史皆作渤知六代人書猶無俗字也碑又有
元韶穆子容銜名元韶齊書有傳云襲封彭城郡王歷位
太尉侍中錄尚書司州牧進太傅齊天保元年降爵爲縣
公此云彭城縣開國公州都者其降爵也史不及開國公

州都乃其疏穆子容見北史穆崇傳是時爲平東將軍別駕從事史亦可据碑以補史也

案碑陰載諸人題名稱州都者二人別駕從事史治中從事史者各一人主簿二人西曹書佐二人記室從事二人戶曹從事二人金曹從事二人租曹從事二人兵曹從事一人法曹從事二人都郡從事十二人隋書百官志載齊制司州置牧屬官有別駕從事史治中從事史州都主簿西曹書佐記室戶曹功曹金曹租曹兵曹騎曹都官法曹部郡等從事員蓋以鄴爲司州其屬官並與史符又有武猛從事及門下督省事錄事西曹掾記室掾戶曹掾金曹掾租曹掾兵曹掾法曹掾部郡掾主簿吏西曹吏記室史

戶曹史金曹史租曹史兵曹史法曹史典籤史部郡史省事史錄事史攷門下督與錄事清都郡鄴臨漳成安三縣並有之至西曹掾以下卽志所謂主簿置史西曹已下各置掾史也但主簿史以碑証之作吏耳

造石臺門記

存正書嘉慶元年署臨漳令童亘挑漳河得之今移置郡城

大齊天保八年九年造銅雀臺石臺之門百代之後見此銘者當復知之

將陳驥

軍副程顯

承婁晞

幢主孫悅

軍主董侯

幢主楊雲

案記稱大齊天保八年九年造銅雀臺石輦之門百代之
後見此銘者當復知之北史文宣帝紀天保七年十二月
修廣三臺宮殿九年八月甲戌行幸晉陽先是發丁匠三
十餘萬人營三臺於鄴因其舊基而高博之大起宮室及
遊豫園至是三臺成改銅雀曰金鳳金武曰聖應水井曰
崇光卽此記造銅雀臺所由也工始於七年而記斷自八
年修建之今當七年十二月比徵作募役已越明年矣後
列將陳驥承婁晞軍主董侯軍副程顯幢主孫悅幢主楊
曇凡六人名皆完好

案漢書注師古曰隆穹所謂車輦今此記石輦之門殆造
門形同於車輦也釋名輦藩也蔽水雨也又集韻輦車上

蓬也並可取証斯義

方法師鏤石班經記

存八分書乾明元年在善應村洹水北崖上

大齊天保元年靈山寺僧方法師故雲陽公子林等率諸邑人刊此巖窟髣像真容至六年中國師大德禪師重瑩脩成相好斯備方欲刊記金言光流末季但運感將移暨乾明元年歲次庚辰於雲門帝寺奄從遷化衆等仰惟先師依准觀法遂鏤石班經傳之不朽華嚴經偈讚定光如來明普照諸吉祥中最無上彼佛曾來入此處是故此地最吉祥十方國土勝妙華無價寶珠殊異香皆悉自然從手出供養道樹諸最勝一切十方諸伎樂無量和雅妙音聲及以種種衆妙

偈讚歎諸佛實功德盧舍那佛惠無尋諸吉祥中最無上彼
佛曾來入此室是故此地最吉祥大般涅槃經聖行品復次
善男子菩薩摩訶薩聖行者觀察是身從頭至足其中唯有
髮毛口齒不淨垢穢皮肉筋骨脾腎心肺肝膽腸胃生熟二
藏大小便利涕唾口淚肪膏腦膜骨髓膿血腦脈諸脉菩薩
如是專念觀時誰有是我我爲屬誰住在何處誰屬於我口
□□骨是我□□骨是□菩薩□時降□皮肉□□白骨
復作□念是骨色相□□□□□□□□□□□□□□□□
□□□□□□□□□□□□□□□□□□□□□□菩薩□□□□
□□□□□□□□□□□□□□□□□□□□□□時□□□□□□
□□□□□□□□□□□□□□□□□□□□□□□□□□□□

薩作是觀時眉間卽出青黃赤白鵠□□□菩薩於是一
 □上下悉皆青相如青色觀黃□鵠色亦復如是菩薩摩訶
 □□□□□□□□訶薩觀青骨時見此大地東西□□
 身所有骨□□分離得是觀□□□□□□□□
 以□□骨□□□□□□□□骨依□□□□□□□□
 □□□□□□□□□□□□□□□□復因項骨
 □□□□□□□□□□□□□□□□上□□□□
 □□□□□□□□□□□□□□□□骨□
 □□□□□□□□□□□□□□□□□□□□

一諸光明口見有佛像見已卽問如此身者不淨因緣和合其成云何而得坐起行住口口府仰視瞬息悲泣喜笑此中無主誰使之今作是問已光口諸佛忽然不現復作是念或口是我故使諸佛不爲我說復觀此識次第生滅猶如流水亦復非我復作是念若識非我出息入息或能是我復作是念是入出息直是風耳而是風性乃是因大口大之中何口是我地惟非我水火風性亦復非我復作是念此身一切悉无有我唯有心風因緣和合不現種種所作事業譬如咒力幻術所作亦如笙篴隨意出聲是故此身如是不淨假眾因緣和合共成當於何處而生貪欲若彼罵辱復於何處而生瞋恚而我此身卅六物不淨臭穢何處當有受罵辱者若

聞其罵即便思惟以何音聲而見罵耶一一音聲不能見罵
若一不能多亦不能以是義故不應生瞋若他來折亦應思
惟如是折者從何而生復作是念因手力杖及以我身故得
名折我今何緣橫嗔於他乃是我身自招此咎以我受是五
陰身故譬如因的則有箭中我身亦今有身有折我若不忍
心則散亂心若散亂則失正念若失正念則不能觀善不善
義若不能觀善不善義則行惡法惡法因緣則墮地獄畜生
餓鬼菩薩今時作是觀已得四念處得四念處已則得住於
勘忍地中菩薩摩訶薩住是地已則能勘忍貪欲恚癡亦能
勘忍寒熱饑渴蚤虫虱風惡觸種種疾疫惡口罵詈槌
打楚撻身心苦惱一切能忍是故名爲住勘忍地偈讚我今

得見佛所得三業善願以此功德迴向無上道我今所供養
佛灑及衆僧願以此功德三寶常在世我今所當得種種諸
功德願以此破壞衆生四種魔我遇惡知識造作三世罪今
於佛前悔願後更莫造願諸生等悉發菩提心繼心常思念
十方一切佛復願諸衆生永破諸煩惱了了見佛性猶如妙
德等

右記載北齊鑿窟造像之始起天保元年靈山寺僧方法
師故雲陽公子林等又云至六年中國師大德稠禪師重
瑩修成相好斯備攷後唐重修古定晉禪院千佛邑碑引
集異記云魏時有大業僧凭戶巖邊有大稠樹木堅枝密
其僧將法衣徃樹欲掛其間忽爾開而集之儼然掩合神

力彌縫乃婚媾於二子後之人因號稠禪師之寺焉卽此
碑稱中國師大德者也稠禪師生地卽近於此其講法又
多在鄴故鐫經之迹皆其遺矣此記磨厓刻書最雄秀

法懃禪師塔銘

存八分書太寧二年正月天禧鎮永慶寺

雲門寺法懃禪師俗姓張氏源出南陽白水襲蔚河東伊氏
縣人也割紫景明寺據邑鉅鑪蓋龍潛迤起翮翥入道之心
裁華輟繡驚飛出塵之意理倂七支栖禪照智流珠散玉綺
麗變略之才清章雅韻妙會八音之響義招真立嗣依迦化
懷方擬物伺機情而卷舒移卽辨正駕風儀而偃草收聲罷
應影謝遷靈時年六十九臘太寧二年歲在壬午正月辛未

朔五日薨於雲門寺奉殯龍巖致使岫帶霜衣山被紫草猿啼逗谷鳥墜高林鐫石銘記芳傳不朽其辭曰

跨風誕應接物昇沉巨變莫測細入難尋形山匪秀量海非深秘引山車說辨八音育同春日均潤過霽世羨若玉益物如金聲輟雜會影託花林哀哉喪蔭羣方痛心悽雲雨四悲木啼吟聊記豆韻百伐思欽

按法懃禪師銘載爲河東伊氏人伊當作猗又云據邑鉅鑣鑣當作鹿然此字從金自漢尹宙碑已然顧亭林金石文字記謂其不當從金是也近錢少詹事證以廣韻鉅鑣郡名後魏弔比干文碑陰有鉅鑣伯魏祐北史有鉅鑣邵守元道龍又指顧氏未詳攷予終折以玉篇鉅鹿俗作鑣

當依顧氏之言爲有據又智作智儀作儀致作致臘作臘
量作量悽作悽皆當時別體字書僧歿作薨更爲異文

憑法師塔記

存

案塔記正書在靈泉寺後山塔上橫列寶山寺大論師憑
法師燒身塔右側字微小題大齊河清二年三月十七日
憑法師者卽道憑也

大方廣佛華嚴經碑

存正書無年月在治西寶山

案碑新出土字畫無損滅正面題大方廣佛華嚴經菩薩
明難品第六下書寺檀越主司徒公使持節都督瀛冀光

岐豐五州諸軍事瀛冀光岐豐五州刺史食常山郡幹東
安王岌獻東安王郡君楊左側面邊際題王世子假節督
岐州口軍事岐州刺史儀同三司左右直長大賢直內備
身口都督食廣州南陽峽城口縣幹海虞伯子彥第二子
通直散騎侍郎仲彥獻北史有傳以外戚貴幸爲瀛州刺
史皇建初封東安王太寧元年進位司空平高歸彥於薊
州還拜司徒此題結銜有司徒公知在太寧河清間矣封
東安王亦與史同而獻爲瀛冀光岐豐五州刺史則傳僅
書一瀛州刺史其從畧爲失實不可不以碑正之獻傳惟
載子產嗣位開府儀同三司較於此碑亦未詳其歷官又
碑言子彥傳誤彥作產碑尙有第二子仲彥傳亦不書若

獻食常山郡幹子彥食南陽峽城口縣幹此卽所謂以幹
祿榮之也隋書百官志載齊制諸州刺史守令已下幹及
力皆聽勅乃給其幹出所部之人一幹給絹十一匹幹身
放之當時食幹卽指此北齊常山義七級碑有食新市縣
幹集古錄以爲食縣幹入官銜其制不可詳失於詳考也
食廣州南陽峽城北齊地輿廣州之屬亦有南陽峽城訪
齊地形者可於斯按之直內備身隋志左右衛有內直備
身諸名此作直內備身與志文內直互易若云左右直長
大賢則史未載也

西門豹祠碑

佚

水經注漳水逕武城南又東北逕西門豹祠前東側碑陰起爲字

孫登石室藥方碑

佚

鄴乘孫登石室在縣西南四十八里熙寧中嘗有人得小碑於洞中刻藥方數十通

案藥方碑不知何代所刻據洛陽龍門有北齊藥方碑題武平六年疑此亦齊刻也方書足以濟度昔人患其傳之不備往往如此宋史范旻傳遷知邕州刻已奉市藥以給病者愈者千計復以方書刻石置廳壁得古仁者之遺意矣

隋

大住聖窟磨崖石刻

存正書在萬佛溝

大隋開皇九年己酉歲敬造窟用功一千六百廿四像世尊
用功九百

盧舍那世尊一龕

阿彌陀世尊一龕

彌勒世尊一龕

三十五佛世尊三十五龕

七佛世尊七龕

傳法聖大法師廿四人

歎三寶偈言

如來定慧無邊際神通廣大妙難思相好光明超世網故令
三界普歸依

法寶清淨如虛空善家甚深無窮盡无生无滅无往來家滅
離垢難思議

聖眾應真功德海斷滅一切諸諍流滅之清淨无_レ穢八種
功德福田僧

□□連□金如來壽量品□□偈言

自我得佛來所經諸劫數无量百千萬億載阿僧祇常說法
教恍无數億眾生令人於佛道余來无量劫爲度眾生故方
便現湮槃而實不滅度常住此說□我常住於此以諸神通

力令顛倒衆生雖近而不見衆見我滅度廣供養舍利咸皆
懷戀慕而生渴仰心衆生旣信伏質直意□□一心欲見佛
不自惜身命我時及衆僧俱出靈鷲山我時語衆生常在此
不滅以方便力故現有滅不滅餘國有衆生恭敬信樂者我
復於彼中爲說无上法汝等不聞此但爲我滅度我見諸衆
生沒在於苦惚故不爲現身令其生渴仰因其心戀慕乃出
爲說法神通力如是於阿僧祇劫常在靈鷲山及餘諸佳處
衆生見劫盡大火所燒時我此之安隱天人常充滿園林諸
堂閣種種寶莊嚴寶樹多鬱菓衆生所遊樂諸天擊天鼓常
作衆伎樂雨摩訶羅華散佛及大衆我淨大不毀而衆見燒
盡憂怖諸苦惚如是悉充滿是諸罪衆生以惡業因緣口則

僧祇劫不聞三寶名諸有修功德□□□者則皆見我身
在此而說法或時爲此衆說佛壽无量久乃見佛者爲說佛
難值我智力如是惠光照无量壽命無數劫久循業所得汝
等有智者忽於此生疑當斷令永盡佛語實不虛如醫善方
便爲治狂子故實在而言死无能說虛妄我亦爲世父救諸
苦患者爲凡夫顛倒實在而言滅以常見我而生憍恣心放
逸著五欲墮於惡道中我常知衆生行道不行道隨所應可
度爲說種種法每自作是念以何念衆生得入无上道速成
□佛身

案東魏武定四年道憑造大留聖窟此又仿其遺跡爲之
寺與寂同見廣韻

大隋車騎秘書郎張君之銘

存八分書開皇十一年正月今在縣學署

君諱景略燕州上谷人漢司空華之後也龍皇布護將相蟬
聯備諸圖史其可伊述祖驃騎大將軍第一領民酋長文城
公又遷燕州諸軍事燕州刺史考龍驤將軍諫議大夫奉車
都尉行濟安郡太守金鄉侯君質如披錦文彩燦然器若珪
璋光輝朗潤於是弱齡表異聲振朝野欲止不能遂被徵辟
起家爲魏帝內侍左右尋遷秘書郎優遊鳳沼去來麟閣時
稱獨步實曰無雙又加車騎大將軍開皇十一年正月六日
賓口蠲德奄從運往春秋六十有八以其月二十六日遷窆
於相州安陽河北白素曲未極丞相之年俄掩將軍之墓嗚

乎哀哉乃爲銘曰

昔年慷慨拖紫垂青峴山漢水玉潤珠明何啻大運混我賢
貞一辟身世百代千齡

金石三跋祥符周君伯敏持是銘贈予云其從子岐東數
年前自安陽得之銘刻完好僅缺一二字其叙云君諱景
略燕州上谷人漢司徒華之後也漢宣作晉臨文疎莽皆
自晉魏以來士人馳驚詞章雖見聞近如晉事亦不考世
代至此又云騎騎大將軍第一領民酋長文城公又遷燕
州諸軍事燕州刺史考龍驤將軍諫議大夫奉車都尉行
濟安郡太守金鄉侯書歷官詳備然皆缺其名而不書使
後不可攷爲可惜也張君被徵辟起家爲魏帝內侍左右

遷秘書郎加車騎大將軍以開皇十一年正月六日冥書
卒爲冥文亦僅見別體字煥作煖尋作尋寔作寔寔在相
州安陽河北白素曲

案誌載景略厯官起家爲魏帝內侍左右尋遷秘書郎又
加車騎大將軍而誌題稱大隋車騎蓋隋加是官也魏書
官氏志建國二年初置左右近侍之職無常員或至百數
侍直禁中傳宣詔命皆取諸部大人及豪族良家子弟儀
貌端嚴機辨才幹者應選又直內侍長四人主顧問拾遺
應對是誌言內侍左右卽史所云左右近史之職景略以
開皇十一年葬相州安陽河北白素曲元和郡縣志隋開
皇十年置安陽縣屬相州此誌當十一年故得仍重置安

陽之名河北白素曲誌石出於今安陽橋之北迤東隋白素曲卽屬此矣金石三跋以正月六日冥云書卒爲冥攷此誌冥非句絕當由見拓紙非善本致誤

慈明塔記

存

案記石正書磨崖刻在萬佛溝文云比丘諱慈明大隋開皇十四季十月五日終年二十九仁壽三年四月五日建塔口提以旌長代此記夾佛龕左右各四行行五字最精整

靜證法師碎身塔

存

右塔記八分書鐫勒萬佛溝大龕兩旁文云故靜證法師
碎身塔大隋開皇十四年建

王敬造像記

存

案此記正書磨勒現在萬佛溝最下東二洞文云彌勒世
尊二菩薩像龕清信女王敬造無年代玩其字體齊隋間
右刻也

造佛像磨厓

存正書無年月在治西寶山

案石刻中鑿大龕鐫諸佛像各爲注名書筆奇古不減漢
人也又刻經文字有別體橫畫多作偃波魏齊諸石記類

此又有靈泉寺洞口及洞西邊沿厓鐫勒經文皆不具錄
鐫佛經石刻

存

案石刻無年代八分書字尤秀偉不減漢人

廿五佛名厓厓石刻

存

右石橫勒不書年代在寶山靈泉寺洞西首行書廿五佛
名後書大集經月藏分法滅盡品初言

大乘妙偈碑

存八分書在治西靈泉寺

案碑額篆書陰文凸起文云佛口口口大乘妙偈刊石千

記補見聞益法性凡十八字千疑當作阡省阜書之額下
小字經文不可悉辨正面背面俱完好鑽空題有州刺史
字又有大金甲午歲大定十四年寶山靈泉寺講經僧法
智名蓋後人題刻於此若碑書勢當在魏齊間也

妙法缺德品中言磨厓石刻

存

案石刻無年代橫鐫靈泉寺洞西最上層首行有妙法缺
德品中言字故据以標目書齋爲稊藐爲蕢穽爲竿園爲
蘭莊爲莊敷爲毀惡爲惡忽爲惚遑爲遑臺爲臺魏齊間
人書體多如是

殘造像記

存正書無年代在善應山

□□寺僧織□□□將軍□惠通判□來證涅□永斷於
生死若能至心聽當得无量樂一切畏刃杖无不愛壽命怨
已可爲喻勿煞□行杖

案記已殘剥前題銜將軍字蓋爲刊記石者名不可見後
作五言句亦經偈之類也若云一切畏刃杖無不變壽命
斯語亦得勝殘去殺宗旨矣

古大娘造像記

存

案記正書無年月在寶山文云佛弟子清信女古大娘陸
二娘合家同敬造阿弥佛觀世音菩薩大勢至菩薩一

龔